



UNIVERSITI MALAYSIA PAHANG AL-SULTAN

21 hingga 24 Oktober 2023
6 hingga 9 Rabiulakhir 1445H

Dewan Kompleks Sukan
UMPSA Kampus Gambang

UMPSAMalaysia TEKNOLOGI UNTUK MASYARAKAT STARS WORLD UNIVERSITY RANGKINGS THE

UMPSA

UNIVERSITI MALAYSIA PAHANG
AL-SULTAN ABDULLAH



[Convocation](#)

Kekangan PKP tidak jejas Nur Sofia raih Anugerah Emas Konvokesyen UMPSA

24 October 2023

GAMBANG, 21 Oktober 2023 - Umum mengetahui kesan Perintah Kawalan Pergerakan (PKP) ekoran peningkatan jumlah kes COVID-19 di negara ini kira-kira dua tahun lalu memberi kesan kepada kehidupan seluruh rakyat ketika itu.

Hal yang sama terjadi kepada penerima Anugerah Emas Konvokesyen Universiti Malaysia Pahang Al-Sultan Abdullah (UMPSA) Ke-18, Nur Sofia Idayu Didik Aprianto, 22, apabila bapanya yang bekerja sebagai tukang rumah terputus sumber pendapatan dek kekangan keluar bekerja.

Namun begitu, beliau yang juga graduan Fakulti Teknologi Kejuruteraan Elektrik dan Elektronik (FTKKE) bersyukur apabila menerima sumbangan dermasiswa daripada Tenaga Malaysia Berhad (TNB) berjumlah RM5,000.00 pada setiap semester untuk meneruskan kelangsungan pembelajarannya di UMPSA.

“Dengan wang itulah saya gunakan untuk membayar yuran, menampung kos pembelajaran dan membantu ibu bapa untuk kelangsungan hidup kami lapan beranak sepanjang tempoh berkenaan.

“Waktu PKP juga sangat mencabar kerana saya perlu menyesuaikan diri dengan pembelajaran secara dalam talian.

“Pembelajaran secara dalam talian ini memerlukan fokus yang tinggi untuk mendengar apa yang disampaikan oleh pensyarah dan membuat tugas kerja berkumpulan berikutan rangkaian internet yang sering terganggu.



“Namun, Alhamdulillah berkat doa daripada ibu bapa, segalanya dipermudahkan dan saya bersyukur kerana tidak pernah gagal memperoleh Anugerah Dekan setiap semester,” katanya yang memperoleh Purata Nilai Gred Kumulatif (PGNK) 3.8 dalam Ijazah Sarjana Muda (Kepujian) Elektrik dan Elektronik.

Nur Sofia yang merupakan anak jati Kuantan itu berkata, beliau berpuas hati dengan kemudahan yang disediakan oleh pihak universiti yang sentiasa peka dengan keperluan pelajar di kampus.

“Saya berhasrat untuk menyambung pelajaran ke peringkat Ijazah Doktor Falsafah (Ph.D) selepas ini.

“Buat masa sekarang, saya sedang menunggu kelulusan daripada UMPMSA untuk kemasukan program Fast Track Ph.D,” ujarnya.



Disediakan oleh: Shalfarina Shahrman, Penerbit UMPSA

TAGS / KEYWORDS

[#konvoumpsa18](#) [#anugerahemasknvokesyen](#) [#Umpkiniumpsa](#)

- 191 views

[View PDF](#)